



薊丘集卷之十三

五言古詩併雜體六十八首

春日遣懷三首

初日流光輝春草方發榮烟煴感朝氣蘋藻競
吐英好鳥過中庭擁翅啾啾鳴所懷天一方引
領結思情蹉躑空房間曳履入西清無事久此
離索寔不能平

二

汨汨流澌生融融冰復泮習習東風興馥馥春

華粲如何當盛時，獨坐還朝晏翻然。命尊酒杯
舉仍三歎，此意有誰知。相期同汗漫。

三

海鳥不識風，一朝避東魯。謬為人所憐，相娛以
鍾鼓。璠璣既見求，美玉誠當剖。何事自崎嶇，終
歲隨商賈。積靡不自明，頽然失仰俯。富貴本人
情，禍患焉能覩。憂來發浩歌，惶惑無所主。願請
駑蹇姿，還歸問諸父。

登石門山望湖中

使淮作

夕登石門山，山高澹空翠。磊石如倚孤城，沉沉下
流澌。遠望豁煩憂，俯聆紛多思。嶇嶇江乍瀦，峩
峩客林還。媚松雪逐清淙，寒霞凝晚吹。輓以逆旅
懷，獨憇湖中寺。攬秀方未厭，尋幽苦不易。松門
緬難求，翠屏尚可識。江清夕峰寒，山秀春雲積。
歌斜采石蘚，流眄矚薜荔。宛對石鍾近，徒多金
縉媿。肥遯亮無常，永貞寡高致。空操禽尚心，蕭
條輒有寄。

贈呂逸人孟嘏十首有序

伯俞有非
恒人

鄱陽西新渡夜泊忽有小舟突過家童適
佐刺船聞呼者曰得非伯俞耶僕推蓬起
視乃呂逸人孟嘏也悲喜交集屈臨舟中
與逸人別五年所矣而貌益少留語移時
逸人深責僕曰子別來道氣益微嗜欲益
勝西山夙約徒虛語耳因出青囊見丹砂
竒草洞目駭心自言將謁洞庭塵筌已脫
仙駕可期僕涕泣拜請逸人留詩一首僕
敬誦十章為後期于秦中酒茗數升張帆

而去僕立望迷瞻有如夢寐豈逸人之頓
臻盛地耶感念幽懷固非耳目所能及聊
為紀事云爾時萬曆辛卯五月十九日
結交緬疇昔謬荷非常顧放宕草野中千載稱
竒遇素心協巖戶杯酒時相聚泓然共幽契非
徒理章句矯若雲中龍沉淪期獨寤

二

獨寤有夙好獲屈自難尋一朝捨我去混迹願
天真興言向松蘿注目思情新采藥不知年倏

忽自生神風雲隨高蹈鸞鳳允合塵

三

塵泥既已絕玉顏邈難歧顧我譙弱姿仙才亮
不易祇役向鄱陽倦游正愁思不意扁舟人恍
若從雲墜顧念不終捐覩縷多高議

四

高議良不靳譙責信非誣腐鼠日熏心鄙薄又
見驅不念夙昔言趨捨一何愚膏火自煎燒翫
弄以為娛文雉蓄牢闌何當似澤癯

五

澤癯空自慕別久堪消沮懸貺恥素飧猶幸逢
明主雜學不自愛矻矻心常苦徒恣世俗好折
閱悲良賈忽爾遇鴻蒙悲喜無所措

六

悲喜不自攝相對更彷徨但覺几席間蕭然聞
妙香不辭酌我酒意氣何光洋笑傲等龜鶴扶
踈翳鳳皇腰間懸雄劍肘後佩青囊

七

囊中何所有，燦燦皆靈藥。朱草併刀圭，光彩何
煜燭。瑤碣信非遠，神丹良可作。永念生平心，肝
膽情非薄。如可假鞭箠，胡然重糟粕。

八

糟粕與神奇，慷慨為我言。子當念遂初，畢志於
丘樊。夙昔共談討，微義非不宣。蘭枯柳亦衰，徒
然遊其藩。颺風與石火，虛名何足論。

九

虛名良自誤，片心空有悔。遂令薜蘿情，祇成婦

孺態。丘壑何足歡，古今同一既。菴藹有所求，懷
哉非自廢。樹萱念子恩，願言為余佩。

十

余佩何陸離，會合傷此時。山崩水復絕，百歲空
相思。秦隴果幽尋，與子共茹芝。鼓琴讀我書，無
忘西山陔。攬袂復何言，灑泣與子辭。

丹陽舟中秋懷二首

自從役南荆，孤遊忽已久。客思向秋天，憔悴復
何有。鬢髮逐日凋，軒車驚前後。興言在山水，放

志於幽藪清風與林籟忽促常相負傷離在一
身快意不暫偶搖落懣悽間寧復堪此否

二

吾事非夙願居閑時自奮涼風忽來過怯此高
秋近山瀨倚餘芳寒瀑空中隱回首毗陵樹引
棹南徐郡清和江氣開憂歡不自靳詎解是悲
端放歌無復問

五言古詩雜體

雜詩十四首

靡蕪滿庭堦東風吹春草高堂獨秉燭坐聽啼
鶯早清露濕平林花豔傷懷抱良人逝何處迢
遙懷遠道多少夢寐情繁思不知老

二

閑雲過窓牖蕭絮真可親杖藜出門前幽鳥鳴
向人一夜秋水生潺湲滿四隣鳥毳林中飛微
雨吹角中寥寥還自得此意與誰論

三

危巔明月出空閨方獨織曲樓斷復流舉目園

林黑物芳共幽然鴈聲去不息坐久復開窓臨
高還默默

四

萬壑始亂流下泉獨泠泠終日臥巖間時時常
自飲蕪城絕來往秋風正坎懍身在自無求會
心偏更甚忽對停雲坐閑擁香草寢長嘯白日
邊無為煩斂衽

五

春草亦靡靡斜日穿空屋閃爍搖衆芳窈窕窓
前宿雪消夕更寒驚起堪幽獨猶持三歲書自
向孤燈讀

六

寂寂望天涯晶晶秋水溢孤鴻何處來尋聲逐
儔匹凍雨洗空青古石參差出霏藍自依微幽
懷如有失倚檻獨含情草堂餘暮日良人何可
期悠悠不能悉

七

林雨蕭然下春鳩向室鳴攜酒上高堂歡然坐

前楹有懷能自得，不覺歲月更忽見。堦前草青
青慰我情。

八

萬里天宇新，纖月垂將滅。恍忽坐空堂，草虫鳴
不輟。物化倚無窮，漸屆寒涼節。獨有蔓草枝，團
藥坐成結。

九

郊園禾黍熟，獨坐背巖阿。孤日弄微陰，悽悽情
自多。雲扃築嶺岼，柰此寂寂何。

十

青林雨聲近，綺樓過獨鳥。遙望曲屏前，朝霞聚
清曉。幽意不自明，多夢愁眇眇。惜此匣中鏡，還
持對窈窕。巾粉何足施，坐覺清光少。不謬鄰家
女，夙昔同嬌小。憂歡每憐愛，有懷相介紹。中夜
向機杼，秉心共皎皎。

十一

采葛上我堂，良人別五載。濃陰映玉顏，颺颺飄
重綵。井梧滴秋露，黃菊初堪采。餘霞入綺窓，自

瞻孤影改虛幃不成寐魂夢知何在嘹唳塞鴻
來閔閔如有待

十二

秋風生白雲掩映數竿竹永日自開門清流漾
茅屋寒涼感酒德移尊向新菊此生已信美詎
用君平卜

十三

寒草擁門前山光映馳褐晴嵐泛瀑布搜搜飛
木末緩步自行吟處處閑雲豁

十四

閑居時撫劔有志共誰論不如酌美酒開懷向
一尊好風飄松蠹微雨潤小園僮僕解我意移
席出前軒百草吐新榮暢然芳氣昏只此甚歡
適何必慕勞煩

旅懷九首

寓塞上作

晚翠積空山雲霧正霏霏蕭條空館中日暮掩
柴扉遠隨嚴父役改服事戎衣鐵駟足橫行靜
定奉兵機幽閒逢淫雨索寞正思歸秉燈再三

歎何事願無違

二

杏花明別浦，清泉出微巖。誰家晚砧急，綠樹懸
新月。簾櫳方獨立，幽思坐超忽。空梁雙燕飛，令
我悲心發。

三

土脉已蕭蕭，去家又一載。清曉淡霞來，朧朧照
空壘。闔室不梳頭，離思盈四海。婉轉曲樓前，白
雲若相待。

四

空城柳初生，熠熠飛雙雉。荷戈奉慈親，不能懷
故里。目擊金支旗，連烽滿軍壘。少小習兵符，志
氣無邊鄙。聞道滅馬耆，恨不折馬箠。回風鬱蕭
蕭，馬鬣森踈起。何日媾和成，願備明駝使。

五

垂楊歲好鳥，深山飄宿雨。親控紫駟馬，彎弓擬
五部。日暮在沙場，慘淡軍聲苦。遙見狼羆來，奮
身期獨取。

六

孤犢入野中淡霞出空岫獨有逆旅人寂寂臨
清晝空館闔茅扉初日近簾首

七

寒煙赴殘雪淡月適相照停車聽雀乳回風來
野燒冉冉征衣翻徘徊復長嘯離思夕陽下所
懷詎能料古道定何如依希可同調

八

日夕出邊城偶在大軍後彫弓秋斡強射殺南
山獸羽書飛似雪傳道前軍闔糾合五單于連
衡襍餘寇介馬獨橫戈先登遠相救紛紜風雨
合慘淡昏白晝一戰得左賢呼韓幸逃走親臂
白鶻歸却車載襍畜不願求賞格自馘名王首
何如古月支用酌新熟酒

九

迢迢望故里久別思不禁從軍五六載苦淚每
盈襟高山帶巨浸唏噓更蕭森城暗落日小天
寒夕霧深崎嶇奉慈父戀母寔難任誰言丈夫

氣念此獨沉吟世事自難言離別何至今百戰
非云勇千金良可欽嫖姚倘徇國誰復有歸心
病愈偶至玉淵潭作

寒樹正蕭蕭餘芳尚翳翳遙見曠野中蒼鷹自
相擊最有山水癖臥疾還自勵俛仰出柴扉獨
來潭上憇

任健

郊居偶題

宿雲盈草堂不覺春草生感此物華媚漸令補
青膏賴復居閑日夕罕有營連朝積風雨山

泉引渠成芄芄吐新苗滿耳垂楊散斜陽還策
杖閑聽黃鳥鳴新晴近寒食何物比幽情

寄人

荒城日初落處處起春雲流鶯林中啼憑闌酒
未醒微風吹松露坐來濕空庭沉沉半山暝此
時何憶君

答人

相思不可見久別柰情何誦子明月篇自擊鉄
壺歌紛紜飄落蕊蕭索動庭柯獨自臨古井陰

雨鷲雙影惋恨向歸來亂鴉渡危巖

古意

柔雲起春樹靈雨濕高臺良人眇天末寤寐自
徘徊幽山日易暮牛羊自下來鬱鬱宵夜長緯
繡靡所裁條風散人情何當吹寒灰芳質肯自
捐貞幹寧見摧願作庭中樹年年為君栽根以
駐吾魂華以待君回蟠泥何足恨誓與向塵埃

二

遠望高山巔熠熠栖鳥散攬衣出中閨獨立還
長歎佳人不冉得流光忽已晏何令絕代姿尋
常居握筭

飲酒詩二首

代先大父呈同社作

田園無世務消日惟酒杯帶索向深林獨酌北
山隈日暮負耒歸隔樹見扉開悠悠雞犬音蔭
映數株槐競持非我事容與入衰頽

二

南隣秋砧急北里晨雞鳴倏忽秋序過蕭條感
此生閒心種竹活逸居愛松清飲酒歌幽詩頽

然臥前楹一歌安以婉再歌澹且平始終十二
歌宛若金石聲恬靜樂虛言衰老適相成旦夕
常如此不惜為君傾

雨中偶題

蕭蕭日夕雨飛籜滿中堂坐聽蟋蟀鳴螢飛蘭
葉香清宵向詩書悲歎復彷徨鳳兮何若是莫
訝楚人狂

中夜 似柳子厚西園作

皇天申凜秋高樹愁雲入瞻望不勝寒攬衣中

庭立靜聽夜已盈四方人語集此情無可言歛
袂還成泣

欲造郊園阻雪

晨光息遠嶺平臯積殘雪開戶墜松花寂寂茅
簷閉泉裂滄洲出鳥度幽岑白行邁苦風波惆
悵憶逋客

訪人

羣木蔭西岑夕陽與之俱之子買巖隈數載未
成儒每言厭塵俗屬詠以自娛鑿坏慕高尚令

我慨生芻迢迢白雲裏何處覓飛鳧

贈同學二首

窓前一株桂葉生滿戶牖抵節為君吟持罇併
稱壽流光何太駛倏忽高秋後仰視中天月清
暉照左右榮名不易求齷齪何足守雅度婉清
揚槃槃後來秀努力策前途無為守幽藪

二

君有凌雲氣日栖衡門裏駕馬敢自策上書願
同子請看山中松寧向霜露死

訪吳布衣

旭日栖松蘿幽壑淨無塵偶尋採薪伴咫尺在
西隣竹陰一庭滿鳥鳴高樹春空懷仰止意無
能見幽人援筆題幽獨森蔚自傷神鶯花如有
意獨立倍相親

旅中作

薜蘿何足好寂寞堪閉關朝雨濕空庭踈林搖
屋間營營祇尺寸不覺達容顏輪焚一片雲何
事出青山離懷自不易誰令永日閒

蘇東坡集 卷之七十三 十五
二
遠望不知思朝來草色積此意詎能多蕭然感
行跡徒倚向何人惆悵待今夕

醉中口號二首

月滿千里夜湖開萬頃明長安春色好處處歌
吹聲花蕙香自合柳絮落還生不嫌狹斜道偏
多遊俠情文君親送酒狂客解絕纓舉杯堪一
笑引滿成三倒松陰澹若垂筍苔晴更好何處
有繁憂欣然展懷抱迢迢霞色低湖光浸御堤

斐翠爭相拾明珠還自攜楚國行雲女扶風織
錦妻清波三十里處處草初萋雕鞍縱永夜駿
馬往來嘶不惜寶釵捐寧嗟花成泥折柳忘誰
與逢花嬌不睹內史魚龍戲田父神鴉鼓飛葉
向洛陽解佩歸合浦月下鳳皇簫花前鸚鵡舞
飄縈聚羅衫停歌出錦帆翠被衣半撮珠勒馬
初銜回車更隱隱不道雕輿近願當拂君衣斟
酌紅梁醞

月上東南嶺寒城爽氣生獨向花前酌樹樹秋
風聲河漢明且淺良夜永復晴花開如有意酒
滿不勝情狂猶青鬢在醉令白眼明詰朝尋落
葉尚可解餘醒

西園作

行行采春榮清懷蕩西園竹間聽啼鳥花下飲
流泉明月發遠渚寒光覆漁船沿洄迷處所隨
意棹歌還

宿軍峽

西山春更澹復岫接茅茨野人偏好客樽酒不
能辭數日極狂態開懷無復疑為言寒食近水
木愜幽期芳樹取新火山花吐舊枝誰云苦留
滯願君惜此時

青菰村作

昏鴉聚山市空村不見人一片西山雨烟開湖
水春幽巖寒燒淺古樹落花新披襟復何事歌
罷更垂綸

青菰村秋日

離堂還獨坐落葉送高秋遙望湖中草年年暝
色愁還持一樽酒斟酌解繁憂暮雲何寂寞迢
遞為誰留

中秋夜獨坐三首

虛庭掩夕雲罔罔晴窓白紛紜良夜思愁對殘
芳積感此強自寬悲秋定何益

二

秋月明如玉蟾影若可數吹雲忽來過搖漾青
山古踈櫺泝遠空草虫聒新雨掣枕未成眠幽

契知何許芳條自盤互弱露迎風舞起幸望神
州清芬淨天府仰視今宵夕佳期正三五草寒
千里風孰是離思苦浩歎願無違歲歲居幽藪

三

仙人羨門子學道事長生呼吸妙無端倏忽奪
陰精我欲往從之狡獪惧難成今夕復何夕景
霽月初明凜冽飛清霜蘭蕙氣縱橫自媿謝仙
才鱗慕空復情黃金與枯骨千載自相并

雨夜感懷

網緼秋陰生雨聲何蕭散感此孤燭明端居夜
將半泠泠自鳴琴曲終復嗟歎但令騁餘思憂
歡何足筭

西郊曉望

迢迢西北望雲淡秋山永寒松魚留露弦月不
耀景百鳥競朝鳴眇眇關河靜閭闔闔神宮虛
北遙相警獨有淵壑情踟躕誰能領

夏夜獨坐

陰陰雲霧合簾櫳更罔罔幽人猶未眠獨立餘
花影遙聽轆盧聲微風起古井

此者五古詩五首

自然古淡

蘇丘集卷之十三

蘇丘集卷之十四

五言古詩二十九首

閒居讀夢華錄四首

懸貺何足歎自揣無長計搔首出九衢屬目皇
 居麗佳哉美淑郵宮觀還周衛歸來坐中堂散
 帙嗟前世往事寧易尋讀罷時霑袂風俗一以
 殊高賢受其弊么膺玩弄間慷慨堪流涕

二

四海方寧靜綺靡自住時器車及澤馬獻瑞復

此卷
 卷之十四
 蘇丘

呈竒迺至細小民竒巧以自熙遐想宣和間慨
歎不自持一朝虜馬警化為戎與夷俄然共遊
宴倏忽歌黍離當其握權謀盈庭決雄雌泣涕
攬空文遺年真可悲乾鵲識往跡蒼鷺兆前期
咄咄千載下徒令後人嗤

三

有美宛與洛佳麗寔難偶三澣風日清置讌招
賓友或在冰雪時或當青陽候曼衍魚龍戲香
豔紅梁酒下逮小兒女粉飾競身手何期鍾簾

移山河不復守夙昔繁華子夢寐空回首采芝
南山老桔槔漢陰叟式微胡不歸世事君知否

四

靜言味酒誥汎覽誦禘刑舉世何獨然哲訓不
見聽宮闕既壞麗詭壯凌太清居者不見謀徃
世空丁寧遙觀政和際摯諂滿中庭自謂千秋
樂嗟哉九廟靈翫好耳目前壑落如晨星自傷
一掌力悚懼悲獨醒萬舞自知卑羞言在朝廷
鴻飛何足慕此志矢幽冥

旅居偶題二首

山樹何蕭條，芸黃滿庭戶。雅雀連羣鳴，寒風日
方午。呦呦場中鹿，飲啜熙新雨。詎知獵夫勇，四
面張羅罟。飛鷹撇空原，韓盧奮相取。謬受主人
恩，菲質曾何補。曾謂耳目目前，一旦甘刀俎。正命
邈難明，遭逢應獨苦。棄置勿重陳，悠悠難告人。

二

射鳥西山下，飛鳴聲帖帖。白羽響青蕪，蕭蕭飄
木葉。舉手三歎息，微命何驚懼。野人向我言，順

時宜田獵，剪薙一以施。奉行自有挾，古道良復
然。多言胡喋喋，嶮崎還自笑。此生良見攝，柔隨
亦奚為。明哲何其怯，棄置勿復道。去去嗟懊懷。

即事三首

菲陋亮自安，世情何夭紹。仰事聖明朝，寸心
徒擾擾。南金無所補，北闕恩非少。斥逐何足歎，
歸來意杳渺。野鹿顧我鳴，閒雲滿林杪。且向故
山陞躑躅，同魚鳥。

二

長嘯向中林閒行看山翠眷眷戀慈親出處元
無意古人重報恩數歲徒為吏自慚駑蹇姿故
人秉清議俯仰天地間輾轉思常積幸見北山
靈誰能憶餘事

三

采苓湖水邊萋菲草常茂感歎不能言咨嗟尚
衣繡 聖主恩自深故人情自厚九死放餘生
一麾仍出守薄力亮難施艱難媿孤陋翔鸞何
翩躚良驥堪馳驟勉勉暴公篇職思善其後

古歌二首

種樹莫種橘根莖輒遷改牛羊既牽羈任爾常
輸載古道亮復然舉目今安在所以鴻鵠飛冥
冥不自悔

二

高山不種麥烈風常見吹大樹不求蔭常恐大
樹摧編爛握中珠歎息知者誰勞心復何益空
自令人嗤

汴中書懷三首

纓冕非夙懷登庸偶從政孤介亮無他羞言負
明聖弱羽豈自飛白日多坑阱紛紜更何求溝
閔衰時命蹉跎竟無成放遂宜相併徒有葵藿
情幽憂常自兢

二

女類戒倖直老氏羞孤蹇何以明哲多當途心
自舛捐軀事明主日夕思黽勉空言竟無裨仁
慈幸宥免世情競愛憎率意忘幽顯顧念豈不
深相看何太淺詎謂聖明朝葑菲無遺善蘭草
既生門誰能不除剪

三

秉節向三河風稜率羣吏念彼夙夜情褊心自
不易顧瞻幽冀間終日弛車騎願言思父母反
覆堪憔悴樹萱葉易衰握粟愁無寐西門孰可
蕪輾轉嗟前事見君不可期幽憂自如醉解絲
謝故人不才宜見棄

考城署中偶題二首

孤城臨大河黃沙自浩浩偃蹇出征帆遙見嵩

山小懷哉日將晚百慮徒煩擾寒雨泛烟虹紛
紛來夕鳥忘機寧有求徒嗟守矰繳

二

清風滿高樹華屋澹餘涼欣茲客館靜應憐白
日長迎門如有俟俛仰簿書傍中林多夙好惆
悵不能忘

古意二首

人
樹蘭滿堂堦芊綿不知處幽谷自無人愁苦絕
儔侶容華不再得棄置誰能斂蟠木豈無陰栖
託多艱阻鉛粉常自勞羨淑徒延佇徙倚臨高
臺徘徊望中渚麇麇自馳嚶嚶鳥雙去展轉
獸來歸俛仰無可語

二

灼灼桃李花翩翩自垂枝宛轉當春陽日夕盛
華滋傷此念夙懷隄側結遺思孤琴時自操清
音何參差膏沐不重陳鬢髮縱橫垂既有時命
窮何用絕世姿撫絃再三歎此意竟何為

采葛詞三首

采葛南山下負載向河陰蕭蕭風雨寒道路阻
且深豺狼相率啼鴟鴞共悲吟劉絳亮無多勞
瘁寔難任腹中時苦饑又無衣與衾嗷嗷鳴鴈
雀欲捕憚追尋擲弓長太息淚下誰能禁

二

采葛南山曲葛生何芊芊不憚手足勞幡幡動
盈肩脂苦不可嚙枝條自鮮妍凍餒誰見知勤
勞已數年日月計羸餘猶勝南畝田慵拙自有
命才能信稱賢努力無復道且復相周旋

三

采葛南山陞天寒不盈掬大枝既傾斜小枝亦
偃伏空有雨露滋長養何拘蹙感歎不能言暫
向巖岑宿鶉火秋正中涼飈滿空谷願言懷父
母此事何能毅

秋日作

多病自栖遲中情倍耿耿際此霜露時迢遙日
方永孤貧思老親覩縷堪多幸寒涼襲衾芳
樹凝清影詎意金石心淒其比土梗

古怨二首

嶮落松桂林高臺互依附秋氣日蕭森冥濛復
新雨摧殘寧有方幽憂坐馳騖連娟感清影攬
鏡還自悟離離鴈獨飛銜蘆墮中路詎以蓬梗
心非時肯回顧

二

懣慄秋氣深百憂自如結寤懷涕橫流樽酒徒
陳設遐棄寧足言君行何嬖屑燎火八空林焚
燒何烈烈蔓草共糾纏誰能共撲滅東風吹沙
塵慘澹兼霜雪輻脫車更馳馬奔鞠將絕匪我
不自知嗟嗟空寂蔑

再入蜀

夙志恥自陳徒然慕幽藪黽勉奉旌麾廓落絕
朋偶幸值討南羗非材媿多負七策漫羸餘三
年自奔走尋常既已垂路難復何有生死共摧
殘中心恒自咎鄰人來勸駕此意能知否俯仰
盃酒間浩歎堪回首

蜀相祠偶題

蘇詩集 卷之十四
丞相千載人獨有雲雷遇誰言冠古才世事終
相迤空江百鳥鳴淅瀝吹清露苦心亦已多其
如阻天步元精竟何托沉瘁非無故嗟峨向青
山臨風還獨寤

二

貞石何磳礧其勢常不移誰言魚水歡不及時
命竒同心共椒蘭偏多中道萎悲哉托孤意九
死不能辭鬼神易乘人舉世同一揆空祠有芳
杜一任北風吹

去蜀

黽勉自嗟吁愁懷宛如結攬輿向長途粼粼警
車轍零雨冒高林深谷多啼鴉鬱蘊竟難明徘
徊重敢決營糗媿已久中道焉能輟香苓滿山
巔誰復為明哲為言謝故人音塵從此絕

二

行行出東門雨潦迷郊甸揮手謝居人此別何
由見寧厭朱紱榮世事多驚眩願言思老親乞
身反鄉縣四載遠投荒百憂信知倦南箕日已

明薪火堪中變一身何足憐
閔勉甘貧賤江流日夜深
東逝如飛電詎有百年人
袞袞淚如霰

薊丘集卷之十四

薊丘集卷之十五

薊丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

七言古詩二十九首

西郊遊覽有懷楚中友人

悲風嗚咽連城起惆悵懷人隔千里
散髮誰能問楚狂酣歌不復遊
燕市之子才情天下竒傾

情吐意山可移一生丘壑無知己十上長安長
數竒去秋別我東門道幾處題書愁滿抱同心
偏惜別來頻交態堪悲世上少帝城春日花照
顏千崖松雪明西山偶與朋輩過南陌開尊射
獵淺草間花前搔首獨悲慨花常如此人何在
酒酣不覺淚沾衣雲霧茫茫如有待

白雪歌送畫師

薊門日夕青草昏北山積翠吹北門承明侍從
歸東郡隨車雲色何翩翩出門四顧偏蕭索一

片寒城湖水白馬首輕煙不辨人舟中春色真
堪惜山頭樹杪自無窮手攬餘光送老翁二十
餘年擅國工幽懷骯髒神明通自是白雲如有
意好向林中共消息青山丹壑邈難期到處看
雲解相憶

題吳宜僕族人壁

西湖春草鳴湖水種樹山家幾十里中有老翁
云姓吳日引湖泉種麻桌老翁自言六十餘不
能飲酒頗讀書門前荆棘長數尺督率豎子常

芟鋤生來曾未到官府衣裳朴野安鄉土大兒
弩手助資糧一片茅茨蔽風雨自誇投老未全
貧白髮親逢盛世春愛我顛狂留我飲禮數頗
異尋常人田園喜極新知樂村酒勞歌堪滿酌
感激忘年何所知縱筆狂歌更題壁

古鏡歌

我有古時鏡言是梁人作青銅秀色暈如花螭
紐盤絲跡如蛻十年寄旅更堪悲每自提攜輒
愁卧寒光碧翳閉空囊錦綬香蘭堪百裏憶昔
攜來渡江水夜夜神光照船柁琳宮水蘂不堪
啼瘴雨蠻烟但安坐清容不向美人悲玉色沉
沉知為誰幾度春來篆縷暗令人無限故鄉思
東門烟柳愁思積嗟爾相隨竟何益愁顏相對
重淒涼遠寄閨中照牀篔簹

望歸引有序

庚辰夏家驃騎築官候 駕大閱又辦錦
衣衛犒宴晝夜拮据甚勞苦僕以貧窘逐
食他鄉至情離思浩然無涯聊為一詩以

舒憤懣

望歸何事自堪疑歸客堪嗟無有期晨寒夜寢
迷處所能使悲來真作癡聞道翠華將較武綉
幙戎裝喧鹵簿朝貴金車集北門將軍嚴鼓傳
諸部駟置紛紜教令煩經營鞅掌何勞苦張筵
供奉大金吾簿責水陸兼珍珠築宮四仞平如
掌督役千人夜亦趨想像幽憂愁反側形踪萍
梗何南北有志誰甘斲屑人生男不効驅馳力
嗟嗟生事詎能期憔悴悲吟日莫時鞍馬信多
烈士際高才應荷聖君慈誰念北山王事苦
報恩異世不能辭

逢李二

山中秋日長恣遊向林藪朝朝樵采間不覺歲
月久偶因買斧下青雲朝市嘈嘈幸見君別來
強飯真堪喜林下栖遲寧復云聞君幾歲咸陽
縣秦雲隴月遙相羨一朝把袂不勝情借問風
塵何足戀江山憔悴少歸人丘壑誰能老此身
事業自堪供鹿豕容顏何必畫麒麟西門惆悵

成聚首寒露戎戎日將酉何事相逢苦斷腸不
如且飲杯中酒

送陳將軍出塞

曉出都門月射空紅亭綠酒宴初終鄰里一壺
情更切將軍十萬氣何雄星氣金輿還照耀銜
珠浴鐵排山岳烈烈寒風捲大旗嗚嗚細雨吹
清角邊情連歲復何如五郡降王親送書遼東
曠騎傳酣戰薊鎮和戎耗里閭胡兒盡飽天厨
宴軍士全無歲月儲對君面飲君酒世事自難

知風塵苦回首軍中大體貴相憐塞上風霜易
老醜揚鞭不覺淚沾衣滿城雲色迷烟柳

秋風行

秋風浙瀝吹殘暑愁雲黯黯迷禾黍直是逢秋
意自悲獨坐離愁與誰語晨炊釜竈生煙霧滿
屋空青接洲渚感歎馳驅託遠遊萬事艱難不
自許振衣欲去復淹留戀慕無心更齟齬松根
藥草尚可愛山間白石還堪煮却憶田園負郭
貧年年奔走在風塵出門大笑烟霞色自是青

山不誤人

悲哉行

川上浮雲照高樹殘日依依向窓牖燕京城市
擅繁華何事孤鞍別來久漂泊應憐樗櫟姿羈
栖甘退英賢後夙昔同門負高價于今世事多
非偶僻處空山時自笑清泉白石堪回首日長
頗識蟲魚事論心惟有漁樵叟時時感激尚憂
貧徃徃舒懷向杯酒茯苓赤箭禹餘糧不意秋
來收數畝滿杯新釀可銷憂一卷道書常在手

山中何物最知心山樹山雲照幽藪

安歌行

秋日西流崖氣生陌衢嘈雜行人行高車駟馬
何為者寂寞無情坐倚楹鄰家雞犬茅茨下閉
戶擁鑪無樂聲素絲歲蕤織未就屋中妻子愁
意併獨坐長林長歎息書生舉措真難測東望
氤氳碣石宮此事千年誰復識

懷同年生林二

日夕桑麻蔽茅屋雨滿桑乾朔風肅柴扉寂寂

不聞聲幽人獨向窓前宿望君處思君無所之
蕭森羅逕花枝脫山青水流無盡時悠悠心事
何堪數孤村曛黑垂情苦颺颺何日帝京風羨
酒高歌向君宇

誰知行

誰知大道翻難料我欲從之路繚繞古來夷跣
不同行跡據東陵反夷笑世事浮沉未可期風
塵雜沓欲何為酣歌白日須連夜莫待龍鍾惜
鬢絲

暮雨歌贈人

暮雨蕭蕭長秋艸兩岬風煙散遠道與子共住
西山陸數世交情共潦倒自念吾年十有九才
氣簾踈無所有長安卿相多乘時看君不合長
巖藪粉榆結社成四鄰干謁王門未可頻勸君
飲酒甘貧賤纁帛招賢自有人

桂樹行

山中桂樹何時植十丈霜林真可惜偃蓋團團
不計年飛液飄飄坐成積斜柯五鬣空山春掩

映千花半巖白美材何事獨泥蟠僻地誰能憂
棄擲嗟我飄零漁樵者骯髒相逢愁意釋馨香
屑越若有情根柢盤桓竟何益沉淪不必驚流
俗采掇猶堪覓形迹珍禽香麝太紛紜歲莫凋
零空自碧

經友人居

門前幾株楊柳樹春來還發舊時枝情人一去
不復返路岐草色何離離長淮拍天波浪惡南
風五兩堪漂泊江水江花空復情死生契濶成
冥漠蒼茫墟里獨重行地下修文詎有名幾迴
佇立人煙處掩淚愁聞猿鶴聲

漫歌行寄人

閑門自開水自流淒淒風雨蘄清秋松楓月明
皆落子啣啣山鹿常雙遊世事悲歡不可道閑
看浮雲靜芳艸一杯美酒憶君時更有何人慰
懷抱君不見昭王愛士曾築臺望諸遺跡今塵
埃千金駿骨今安在易水東流不復迴古來會
合皆如此如何不飲令心哀

飲酒行

長松落落當門前，客舍鴻聲夜滿天。
月中琅玕殊技癢，澆以大白心茫然。
清漏蓮花咽空壘，天河影落西湖裡。
帝城春色寄何人，一判酒杯如澠水。

晚歸海墘歌

竹樹森森照流水，黃沙慘淡風迤邐。
日暮寒山不見人，數點昏鴉向山起。
匹馬迎風歸曲岍，馬蹄半與花痕亂。
細雨斜吹湖水濱，春草昏濛釣

臺畔自歎奔馳道路苦，骭髀心思何足數。
帝里繁華不可期，萬事悠悠守巖藪。
俊鶻凌風落雪毛，空山石髓煑香醪。
匣中金錯彈成曲，醉來仰視青天高。
世上自多趨側事，大材不惜隱蓬蒿。

邯鄲行

邯鄲城南沙如雪，邯鄲城上日初明。
崩城未識舊時跡，漳水長流萬古聲。
人生論交貴權力，有情詎信能相識。
依稀遺迹草淒迷，昔日平原竟誰是。
賣漿珠履成上賓，毛遂猥隨望後塵。
當時

楚趙成合從十九人中絕等倫
媿我少年博文墨
結交不信真
難得屢將肝膽託
常人行路悠
悠堪太息
君不見交遊將盡時
千金然諾亦堪疑
古來豪傑皆何在
榛莽蕭蕭真可悲

夏日遊張內史園飲酒醉臥既寤日已

夕矣偶題口號

空園花色暗雲臥
不知醒松風灑面忽驚起
夕陽照見西山亭
遙看羣鳥飛孤嶼
無數蟬聲吊殘暑
解醒何惜整新杯
散髮行吟自歸去

花下飲酒歌

花前日飲酒常醉
不厭多折花不使落泥沙
飲酒肯使空樽過
仰看青天月方出
忽墮花前照空室
杯中不見月影寒
堦上遙憐花色溢
飲酒當醉不可辭
君今舍此復何之
君不見花下枝

贈吳二

五市人烟自花柳
駐馬逢君一回首
停鞭下馬共談笑
倒囊探錢為沽酒
御堤風暖轉鶯時
意氣看君發興奇
讀書萬卷復何益
眼前憔悴使

人悲幾年漂泊離鄉土萬事蕭條自愁苦囊空
徒惹薊門塵衣敝猶沾上林雨把袂相看心事
偏窮愁面貌足周旋世情干謁誰知已行路悠
悠反見憐千金成敗如反掌淹伊多智足稱賢
接輿行歌自窮餒君卿唇舌常居先生事南山
雖適意才名流落無人傳不如相與飲美酒終
朝笑傲常醉眠

朱八家臺上置酒引

對酒本當歌憂愁苦自多一杯強自進短調望
誰和僕本幽州年少子亦嘗學技風塵裏幾年
笑傲盡王侯一歲飄零離故里昨夜風吹庭外
樹琳瑯色積驚寒露起來悵望有所思空谷無
人濕水住朱生雖少有深情置酒招邀萬感併
酒酣日暮悲臺上何事逍遙不可輕

與蘇五飲朱八山亭有懷呂殷二子

堂上飲酒忽不愜步履登山一長嘯烟波渺渺
高臺風夏木盤蟠垂晚照旅館相逢事非偶殷
勤共酌杯中酒呂生鳥穴去經年殷子宜陽書

未有交遊零落更堪悲，世事蒼茫足回首。懸崖
決決百泉飛，銀燭清觴下翠微。醉來不覺登臨
處，白露蒼蒼濕我衣。

燕市少年歌

燕市少年多雄竒，輕身重氣不關私。不用千金
雄比里，自將然諾結男兒。萬里投軀無所惜，尋
常飲博相恣睢。一生慷慨常如此，却笑封侯事
可疑。君不見交態浮沉非一日，急難紛紜方自
失。所以顛狂從舊遊，終日歌呼相勸酬。金高南
山不迴眄，吏情散漫絕悲愁。往來馳騫殊趨捷，
不復龍鍾事五侯。

東門吟

西山夜生一片月，御苑荷香益清發。東門街鼓
斷人行，草色隨風上城闕。旅客思家對月明，遠
望平林秋鴈聲。幾迴夢裡饒歸興，爭柰風沙掃
北平。

寄人

空山寂寞多泉石，終日飲酒不自惜。幾度思君

望君至寒城迢遞平湖白問君何事向王城終
年留滯求聲名肯攜杖履來相訪孤村雖僻頗
有情主人料有新熟醞枝頭好鳥常群鳴十畝
茅茨遮行路累歲不聞車馬聲萬事依依堪自
保嬉遊談笑事事好不必深山始苦貧山樹相
看為君老

偶逢殷從事弟共飲贈醉歌行

西湖桃花照面生旅客相逢最有情囊中酒資
自不吝青帘小店飲縱橫綠樹陰陰漸曛黑樓

高風雨愁何極呼童把酒捲簾看萬點春巘起
寒色蒼茫未識天盡處但恨餘虹照南北山頭
涼氣撲簾櫳雲沙滿幕鳴悲鴻急管繁絃曲方
絕昏鷗角鼓齊呼風汝兄慷慨真高潔羨汝材
姿更雄傑江南風景足淹留帝里相思成決絕
酒酣悵望悲無處不用音塵慰寂茂相攜更聽
松間風灑淚沾襟與君別

贈耒青霞

我媚老人年過百齒牙復齟髮如漆自言生長

青城裏足跡未嘗履城市學道求僊不計年偶
因度世下人煙遨遊五岳足將徧干謁權門履
欲穿常笑飛昇不足道日恣飲噉魚腥臙腹中
貯書雜儒老虛無指點多茫然眉州開府有仙
骨萬里羸糧來寄寓嗟余問道意踈愚愛我心
情宜恬素世事悠悠脫屣輕看君道氣真精明
古來大隱皆如此相對松楓無限情

薊丘集卷之十五

